


Ձի էլ լուեալ ամենեին, թէ թգ. ոք լեալ է կին, աջապ թէ օրն վերջին, որ սրով միմեանց կոտորեցին»^(*):

Վերջապէս Աւագի գլուխ գործոցն է մի Աստուածաշնչի նկարազարդութիւնը: Աստուածաշունչը գրուած է Կիլիկիայում Մարտիրոս արեղայի ձեռքով, որ Աւագն, այժմ վարդապետ արդէն, իւր այցելութեան ժամանակ նուէր է ստանում Կոստանդին թագաւորից և Մխիթար կաթողիկոսից, և հայրենիք բերելով, նկարազարդում է ձոխ կերպով «պարոն Սօրթղաթմիշ»-ի և նորա կնոջ Բէգիսաթուհի համար, «յայս գաւառ Տփիսեաց Փայտակարան նահանգին»: Նշեցուն աշակերտելը հաստատուում է հետեւեալ փոքրիկ յիշատակարանով 101բ. «Ձհամշիրակ և զլծակից եղբայրն մեր ի Քս. զՍարգիս վգ. Մոշաղբերցի աղաւնի մ յիշել ի քս.: Նաև ըստ հոգո հայրն մեր և զու-

ճոյ, աւելի կիլիկեան քան արեւելեան ոճով: Ուշագրութեան արժանի են աւելի ստացողների պատկերները, ինչպէս Ասլանի և նկարչի պատկերները երեւանի ձեռագրի մէջ (№ 99, 24բ. 25ա. պաշկ. 227), իսկ Աստուածաշնչի ծննդեան պատկերի տակ (Էջմ. № 1756 նս. 400բ., պաշկ. 228) Սորղաթմիշի և Բէգիսաթուհի, թաթարական շրջանի իշխանական ըզգեստով: Աւագի մանրանկարչութեան մասին ևս երկար պիտի խօսենք մանրանկարչութեան նուիրուած մեր գործի մէջ. առ այժմ տալիս ենք այս երկու մանրանկարները, ընթերցողին ճշակ և գաղափար տալու համար:

Եսայի Նշեցու եկեղեցական գործունէութիւնը կապուած է ամբողջապէս մի շարժման հետ, որ երե-



Պաշկեր 221.

սուցիչն զեռամեծն Եսայի ծնողիւքն, ամէն, ամէն»: Ձեռագիրը նկարազարդուած է «հայոց ԸձՁ» և Քրիստոսի «Թ. ԳՃ. ԾԸ» թուին:

Աւագի արուեստը փափուկ է և նուրբ, դէմքերը լաւ մշակուած. դաշտանկարները մեղմ և ակնհա-

(*) Գրչի ակնարկած կինը Աթիբէգն է, Աբու Սէյդի քոյրը, որ թագաւորեց 1338/9 թուին (տես Stenli Len Poul, Moussoulman Skaya Dinasty, perev. V. Bartold ի. S. P. 1899, str. 182/3): Մխիթարի ձեռագրի №-ն է Էջմ. 4429: Նորանն է նաև երեւան № 111, ընտիր բոյրգրով աւետարանը, ձոխ նկարազարդուած նորա կողմից ձեռութեան հասակում ՊՁ = 1357 թուին, արուեստով մի կողմից նման Աւագին և ենթադրուած նորա ազդեցութեան, ուրեմն և միջնորդաբար կապուած Գլաձորի հետ, միւս կողմից պարսիկ-մոնղոլական դրոշմ ունի:

ւան եկաւ ԺԳ. դարի վերջերում՝ նախ Կիլիկիայում եւ ապա ԺԴ. դարի քսանական թուականներին, արեւելեան Հայաստանում. այդ միարարական շարժումն էր: Յայտնի է Գրիգոր Անաւարդեցու և Հեթում Բ. ի դիրքը այդ խնդրում. Անաւարդեցին իւր հակումները, պարզ ցոյց տուաւ կաթողիկոսութեան երկրորդ տարին 1294ին կրկնազատկի առթիւ. նա համոզեց թագաւորին և ամբողջ Կիլիկիայում էլ զատիկը պաշտօնապէս տօնել տուեց մի շարաթ առաջ՝ Ծաղկազարդին, դորա հետ նաև որոշ աւանդութիւններ առնելով Հոռոմներից և մերից յապաւելով որոշ բաներ, գործադրելով և բռնութիւն՝ «բազումք գանեալ և աքսորեալ», թէև շատերը եպիսկոպոսներից և վարդապետներից յանձն չառան: Հեթում Բ. ն էլ իւր Աս-